

黃氏逸書考

不波山房詩草

江都王甲曾撰

男

鑒恭校

曾孫

承霖參校

辛丑鄱陽湖作

逆流鼓枻出江東
煙水蒼茫接遠空
萬事一杯名士酒
片帆千里大王風
寄身天地浮沈外
過眼湖山感慨中
更有詩情吟不盡
秋屏閣畔晚霞紅

偶得

碧水湧來千里月
青山送斷六朝煙
柳花飛

不波山房詞草

盡東風懶一片春心付杜鵑

秦淮竹枝詞

日斜何處好句留文德橋邊泊小舟應是風
流屬才子考場對面盡青樓

籐棚船盪水中央上下游行趁晚涼燈火管
絃連十里教人耳目不勝忙

胭脂潑浪翠飛嵐春色撩人玉鏡酣難得畫
眉天上橐今宵恰值月初三

走艚穩坐聽笙歌淨几明窗漾綠波若問來

遊誰眷屬宦家書辦兩門多

小喫零沽雜貨船穿花時柳賣時鮮珠娘嗜
好人知慣荳蔻拈來箇箇圓

湘紋輕漾綠窗疏水氣涼生落照餘北岸花
鈿南岸曲游船一擁上燈初

樓邊茶社最安閒綠柳輕搖水一灣豈是醉
人茶似酒隔江正唱九連環

微雲漠漠澹朝暉昨夜停橈人未歸漫道海
棠春睡晚待他粧罷試新衣

珠簾捲趁夕陽低隱約花容眼欲迷兩岸銅
琶聲不斷順風打槳水關西

別開花徑水西門牛市閒沽酒一尊飲到半
甘心已醉隔窗無語最溫存

梨粧纔罷掩香奩絕世爭誇色藝兼唯恐人
看不真切特將纖手捲珠簾

釣魚巷口畫船排箏語琴心聽幾回最是晚
涼新月上風吹香氣過河來

次韻和郡守喜雪

想見爲民父母難緣章夜奏寸心丹風流自
昔推韓相神感於今仰顧歡雪在春前呈瑞
應時立春前二日民占秋有當花看樽開東閣多吟
興妙共臞僊耐歲寒

北上道中

明月將人影寒風咽馬聲驅車千里外只爲
逐浮名

昭君

朔漠春殘柳未醒琵琶訴怨不堪聽畫工延

壽紛紛是千古明妃塚獨青

戊申京口作

鐵甕城高北固連日斜飛鳥沒雲邊水能作
浪終歸海山不迴峰可極天闔嶺風高淒戍
鼓昭關月上冷炊煙隔江夜半搖星火唯有
潮來不計年

癸丑郡城紀事

瓜揚保衛局新開

楊藩帥防堵瓜揚特設保衛局

將帥連營

駐五臺

楊軍始駐東園因避眾議移駐舟師於五臺山

訓練兼施緣

底事

時募兵近萬人駐瓜洲防賊

戰降一問突如來

局中執事

均議和獨張小虎以戰降二字請示

懸梟殺謀翻成悔

有擒賊中奸細

戮諸城外者議和

叩馬陳辭薄不才

余在局不主和

諸公轉以爲非

意見不合遂避余密議白識守巢鳩性拙不

隨烏鵲避風災

賊至前一日局中諸執事皆夜遁祇余與葉衛官在局

石頭城外水流東千百帆檣逆勢雄

賊於二月十日

破金陵避舍移師心早喪

楊帥聞賊將至

開

門揖盜計何窮

賊未至時張太尊定議使善堂江董壽民納貢通欵請其

穿城徑過

祇因白馬盟先誤到此紅羊劫未

不皮山房詩草

終時與英軍議和地震川騰天示警苦將休

省望諸公時城廂各塘壩溝渠無故兩邊震動

欺國欺民且自欺移糧備戰示無疑既議和賊復將

城外糧餉運入城內多卑辭改道憐空乞假

意輕財詐已施江董攜銀數萬犒賊賊詭使

江營出六烏合臨城樽酒迂賊既至江董設

鼠行出郭板輿馳府主縣尊皆乘生靈十萬

遭荼毒伊咎誰歸死未知百姓素以江為善

避亂賊據城江自恨為賊所給因自縊

草木皆知萬福名誓師南下賊心驚謂琦督率師

蒞郡鷹揚入境聲先奪螳臂堂車勢欲傾威懾

三軍森有律琦督軍令森嚴功虧一簣緩攻

城出隊十日城內賊懼將遁忽停兵不攻遂又堅守可憐忠勇無雙

士空抱登陴殺敵情琦營雙軍門登拱宸門城樓殺賊甚勇因力孤

無援遇害

蚩尤旗黯夜驚龙木塹頻焚氣已降琦營屢勝賊竟

不敢塞北健兒齊努力琦營兵士城南小醜

暗移艘賊知勢不敵四月初旬已預不攜所擄潛出南門登舟圖遁愁免

不波山房詩草

五

狡難離窟翻惹狐疑未渡江時雷帥駐軍東南竟不出隊賊

因無追乘勝若教追勦急何緣婦孺出宗邦

兵復回賊眾復入諸僞目悉將城中婦女押往金陵

參旗斜挂七星明犄角形成又息爭琦雷二帥分駐

西東兩隅賊據瓜洲嚴成犄角之勢東社月高詩有興雷帥羅致詩人

在營唱和西山風過木無聲琦營游兵將西山民墳樹木砍伐殆盡

大軍坐鎮虛縻餉賊在瓜揚小隊衝鋒死殉

城張小虎領三百人登廣儲門深入太息嬉

殺賊甚多以無援應皆死城中游諸士卒歸農不願願從征相持日久官兵佔住民房優游

白得不願遣散

毒疫熏蒸殺劫殘天心厭亂賊心寒

時疫流行賊多

病死十一月乞救

聲驚風鶴鋒摧盡

賊得援出城所

皆潰官軍

氣識金銀窖發完

雷軍並不尾追但縱兵入城搜掘民

害獲金蟻穴未清馳露布

官軍冒功奏捷詭云殺賊濫行保舉

蟲沙復聚滿江干

因未尾追賊遂久據瓜洲

生民豈盡填

溝壑求活無如復業難

民多凍餓死

魚欲吞舟肯竟逃黑雲壓陣鬼神號

德帥終日酣酒

不理軍務未洲邊橋斷埋忠骨

時有勇士願以五百人破

幾賊復人城

六

瓜洲賊官軍反徹其寺外營孤仗老毛毛三

跨溝之板斷其歸路元帥

駐軍高旻寺數年賊稅畝幾紳擅威福捐畝

屢受創竟不敢近議行

董其事者多嬰城一守枉辛勞世顯侯太守

自飽私橐團練守城賊

冒充官軍人鼓鞶未息笙歌起戎帳無人大

城巷戰遇害各帥演劇開譙

燾高賊得乘間入城

高橋

草色連營柳拂旗東風十里鳥空啼依然無

賴揚州月不爲煙花照竹西

爲徐初雲孝廉題霓裳變譜

萬種情懷萬種思，卻將舊譜換新詞。我因貪
詠霓裳誤孤負，桃源去已遲。

昔客長安百感侵，功名容易澹人心。年來怕
聽霓裳曲，況變霓裳作徵音。

甲寅舊縣道中

鎮日輪蹄鐵未乾，山行十里曉風寒。我登絕
頂人剛下一樣，山光兩樣看。

舟過巴東

山輝川媚世間無，萬馬奔濤一葉孤。詩未鍛

成三峽出夕陽樓閣古東湖

丙辰恩施守城卽事

兵事模糊認未真無端畫虎說如神

時宜昌克復太

守猶請兵請餉已見斥

捐金誰信因籌餉

復託名籌防設局勸捐

學道如何不愛人

有川民逃難過境指爲奸細迫令正法余未敢應

青草成茵迷紫塞白雲堆絮絕黃塵

侵晨詣書院課

士見山澗間雲霧四塞宛如堆絮經久始散

生平自信清貧慣十

萬榆錢豈當春

余因諫阻勸捐意見不合遂置身局外

書所聞

鬼面奇花處處栽天留殺運陣雲堆心輕蟻
穴身深入血灑狼煙志莫回謂舒都統陣亡白水無
情沈毅魄黃金可惜剩空埋一杆爭劫何時
了愁煞旁觀眼不開

書所見

權衡今古本分明可惜靈臺秤未平野馬亂
飛乘隙出虛舟易引受風橫一生此錯金難
鑄五曲無聲缶盡鳴局外會心坡老句南江
波浪雪山傾

不波山房詩草

問月亭

在施郡城內

問月亭空落日低暮煙疎柳尙依依夜郎一

載渾如謫差勝青蓮久未歸

施州古夜郎國

月夜

萬重山裏百城邊煙鎖雲連路幾千多少愁
懷眠不得花移月影到窗前

施州道中

萬疊山光撲面青崎嶇鳥道跡難停夜郎不

閉通天阱

市有天坑

李白猶留問月停毒霧氣升

迷眼界濁流全起擾心經虛名奚借邯鄲枕
二十年前夢早醒

八斗難紫霞宮 去新灘三十里

蕭疏野荻秋樓閣遙如畫樹碧夕陽紅孤帆
江上挂

木瓜沱 去黃陵廟里許去宜昌八十里

雲斷楚天碧山橫暮靄青秋風吹浪起一鴈
下沙汀

去官晉省作

數千里外古施州宦跡居然侈壯遊巴峽風
高蒲葉飽鄂湖雨細蕩花秋碎琴餘韻空流
水吹笛何人更倚樓差幸天空塵障闕白雲
黃鶴去悠悠

鎮日梯雲路未停一爲遷客等漂萍夜郎自
大終無國李白哀吟尙有亭船駛中流三峽
白人登絕頂萬山青那堪往事重回首一枕
黃梁夢易醒

思歸

衣冠束縛爲浮名兩載官休百累輕
浩劫餘生甯歎老小民寡怨自懷清
身無重負心常逸事到迴思氣易平
一櫂高歌煙月裏桃花流水故鄉情

觀棋

枯枰一局幾時殘爭劫空教壁上看
燕鴈流光來去易夔龍事業古今難
胸中所有惟澆酒世外何妨不整冠
贏得浮生能自解熱心不動冷心安

不波山房詩草

中州刺史吳小芝贈函賦此代柬

月明如水漏初殘讀罷瑤函枕未安鶴瘦始

知僂骨健時窮豈獨宦途難

原書述及近況

逢人說

項交彌重

毛禮兄親家候補中州人地生疎屢荷關垂

笑我登場

事易完安得萍蹤聚湖水傾談不厭酒杯寬

省邸雨夕

翛然無一事彷彿退居僧天趣寸心得霜痕
兩鬢增夢驚窗外雨吟盡枕前燈只有鄉心
切干戈息未曾

雪後寫望

霽色楚江頭
開門豁遠眸
梅疎香不斷
春近雪難留
曉日卸山出
晴雲逐水流
目窮思靡極
天外有滄洲

弔黃鶴樓

茫茫今古不勝愁
天際唯看一水流
鶴去已無人弄笛
況堪江上更無樓

厲三子堅自揚來楚復將之粵賦此以

送

相見又相別他鄉是故鄉一尊心易醉萬里
路何長煮海洪波近君將以鏃尹需次粵東探春庾嶺
香南風薰解慍應憶鴈銜霜

雜感

鄉關何日絕妖氛骨肉愁爲落葉分時瓜洲尚未復
解組已荒三徑鞠壓囊惟有萬山雲余由巴東之任
恩施往復上誰將草莽全平蕩焉得蓬萊遠
下幾數萬里
見聞醉後摩挲腰下劍躍然紫氣上斜曛

擱筆亭

擱筆亭西夕照明青山隱隱白雲生半江月
色風吹浪疑帶仙人玉笛聲

仙棗亭

仙棗千株植嶺頭如何今未一株留怕人誤
食飛仙去陋卻人間萬戶侯

鸚鵡洲

漢禰衡葬此

萬斛牢愁一筆收曾傳鸚鵡賦千秋天憐處
士留青冢芳草年年綠滿洲

鳳凰山

前卽考試貢院

不波山房詩草

十三

泮湖凝望翠如環
秋色虛無縹緲間
怪底和聲文筆妙
臨池一角鳳凰山

湧月臺

不盡詩懷又酒懷
我來乘興獨登臺
英雄淘盡歸何處
依舊江流湧月來

厲鳧盦都轉招飲卽席奉酬

東閣晴開玳瑁筵
錦花四壁破寒煙
壺中日月春常滿
醉飲瓊漿作散仙

題邢子膺明府南湖草堂卷子

硯池遙映碧新磨

硯池在郡城南樓下西偏

結屋臨流足

歡歌十里南風香不斷開門一望蕩花多

綠楊城外沼如湖舊日樓臺近有無一樣鄉
心數千里輸君未繪輞川圖

題袁璞田徵君倚樓弄笛圖

一覽江天醉眼開倚樓高傍靜春臺尊前月
色連波湧檻外山光壓郭來小住鄉媛忘近
市此中觴詠不羈才何時碧落重聞笛三弄
梅花飲百杯

欲學長生未鍊丹樓頭高臥羨袁安雅懷絕
俗同水雪清論宜人俗肺肝但使青山恆有
主何妨白髮竟無官輞川故里何堪憶東去
江流日淼漫

次韻和汪近軒茂才見贈

百里論才媿此生何堪衰叅老江城巢深或
許藏鳩拙株守曾無待兔情好酒飲思邀月
醉野雲歸怕受風驚乘時但羨知來鳥盡日
枝頭只噪晴

光陰容易客邊秋萬事奚如道可求知命漫
投班氏筆逃名休著子陵裘月亭此日懷清
化恩施舊名清化湖舫何時載莫愁興到筆酣搖五
嶽幸予得伴赤松游

題畫

南山煙雨北山晴幻境先從天地生只有山
中人自在任他改變不關情
蓬島游仙跡偶停日斜雲歛半山青山頭飛
瀑山根樹兩樣秋聲一處聽

口占

冷暖情懷參靜裏沈陰春日竟如秋山花不
解愁風雨開出城灣寺外樓

梅開桃謝歲華流春恨來遲去莫留只有杏
花無恙好春來春去不知愁

大觀亭

孤亭百尺絕塵寰此日登臨淚欲潛一片忠
魂深夜月半天秋色隔江山放開眼覺乾坤
小獨立身如雲鳥間偶憶蜀岡一東矚長流

應抵綠楊灣

桃花二色

宿雨初晴曉日烘
澹粧濃抹倚春風
東君着色何無定
一樹花開兩樣紅

再題邢明府南湖草堂卷子

無邊烽火起鄉愁
畫舫何年續勝遊
舊燕話殘詩社月
冷鷗夢斷硯池秋
樓空環翠山仍笑
橋隱飛虹水自流
賸有騷情吟不盡
與君約略寫揚州

幽居占得好樓臺碧水當門竹徑開雨裏春
歸鶯未老蘆中人去鴈還來止談風月眞名
士不負湖山是異才爲問九峯園在否一思
石丈一低徊

堂與九峯園鄰

書段茂才詩後

偶然洗眼讀新詩如對瑤林傲雪姿海有化
鯤欣獨見山無隱豹許全窺幽香花耐秋中
老奇寶名難世上知自古英雄多晚遇漫言
明鏡鬢成絲

棋

今古茫茫一局棋每當爭劫見權宜殺機先
動通盤誤躁氣全平落子奇胸裏甲兵操勝
算世間黑白少真知李愬好睡終非法攻守
都忘是弈師

戊午春送厲子堅旋場

閒吟白雪駐征驂唱罷驪歌酒半酣紅到桃
花香到筍扁舟人正下江南

破曉孤帆挂綠楊鄉風吹浪出瀟湘客中送

不波山房詩草

客難爲別況送人歸是故鄉

書懷

獨上江城思悄然鄉關杳渺隔蒼煙青猿聽
徧千山樹白鴈飛驚萬里天辛亥至今兵日
亂連十數省
月久淹悲庾信干戈欲靖待懷仙杞憂家國
空搔首誰與浮槎碧海邊

題汪近軒辛丑夷亂請纓圖

回首金陵十八年懸崖磯下海舟連班超才
大能投筆祖逖心雄欲著鞭此日聚惟同詠

雪近與君時相唱和

昔時恨未繪凌煙終軍目早無

餘子誓掃蟲沙攘臂先

望隔江大別山

梅花落盡笛聲殘天外雲飛鄂渚寒終古隔江山色好宜晴宜雨畫中看

歲寒

歲寒陰積伏微陽屈蠖難伸且善藏過隙空嗟飛野馬平情奚事覓神羊一枰黑白誰先覺四海蒼黔我未忘天地心從無象見此中

消長費推詳

和黃伯厚廣文年伯登黃鶴樓次韻

鶴去鶴還起登臨重黯然山平青未改江遠
白無邊客鬢星霜易鄉心日月懸鄂城殘照
裏一望萬家煙

亂離來攬勝我更謫天涯碧草迷危磴蒼茫
臥斷碑月歸千里夢風動五湖思笛韻隨流
水空吟太白詩

偶步黃鶴樓故址

白雲低護漢城頭一日樓空萬古愁黃鶴不
來人更杳青山未改草先秋歸禽影逐殘霞
沒估客帆隨落照收斗酒百篇何處憶淙淙
不斷水長流

鵲嶺

鵲嶺閒游載酒行東風吹綠滿江城一尊山
色人同醉千里濤聲雨乍晴客裏尋春無遠
志世間作宦本虛名吟成歸去昂頭望天半
朱霞分外明

爲李勉之封翁題一千里色中秋月圖
十二瓊樓白似霜記曾今夕詠霓裳多情最
是團圓月半照他鄉半故鄉

次韻和饒月樵茂才見贈

笑我情閒似野鳬本來青白眼無亡羊有
淚悲歧路待兔何心守舊株名吏家聲慚兩
穗才人文譽重三都君詩文名重一時焦琴倦鶴休
增慨千古英雄一釣徒

神仙散澹薄朱衣雄辨驚筵解議圍賈誼憂

時新策上

君屢向當
事獻策

林逋習靜故人稀定知

霄漢程非遠每展琳瑯興欲飛惆悵江南餘
劫火何時張翰放船歸

題道者小照

誰將五水證三生獨立翛然萬念平
棒喝當頭空卽色燈明到眼濁皆清
雲開紅樹通禪寂雨洗青山悅性情
自是出塵塵不染逍遙物外利名輕

流清亭

緣溪策杖小橋過雨後山光疊翠螺泉上一
亭閒縱目風吹水縐日生波
龍山山下幾句留石咽泉聲聽欲秋無數綠
楊隱城郭如何人不憶揚州

龍山偶憩

昔時戰地此閒游小憩林泉景物幽
山下有泉爲蜀魏古戰場
古寺鐘鳴天作籟澄波魚怯月沈
鉤尋春山遠歸忘路近水風涼暮欲秋怪底
道心通妙諦
陸象山先生曾於此傳經講學
細流活潑有源

頭

次韻和張石秋廣文見贈

揮筆成詩妙入神
盥吟不厭百回頻
裁雲君擅文多富
昭雪余慚仕更貧
骨肉同看千里月
宦游空負五湖春
漫誇老鳳聲清健
飯顆山頭此病椿

征帆渺渺想芳型
暮雨何堪別後聽
公暇定知眠酒國
詩清應是熟茶經
一江風月吟囊富
三峽魚龍□□靈
同是天涯邦上客
歸舟

何日駛無停

送蔣文若之官蘄水

小就功名雅望深

謂以太守權縣篆

行旌指日過平

林文章飾治千秋筆山水知音一曲琴道濟

量籌貽遠略狄公桃李羨成陰

己未恩科充同考官解首

出君門下

好山五色今棲鳳

山在蘄水

應念風塵鍛雨

禽

口碑自昔誦清勤

前署江夏士民愛戴

今日重看挹德

芳玉署雙魚廉共式銅街五馬貴交欣高齋

鵬翮離同類未便豬肝累使君只有心香私
夜祝九重紉縵耀鄉雲

楊花

化工作意銜春光桃李爭妍百草芳豈是楊
花生命薄爲無定性易輕狂

自題小照

笑倩旁人作畫圖自家覽鏡認模糊傳神那
有毫添頰入世空教雪滿鬢七尺昂藏皆傀
儡百年歲月亦須臾不知身化梅千億還似

今吾似故吾

自題長竿待釣圖小照

認得我爲我是我非我無不可我於世無功
信天翁祇學漁翁問我何所求垂釣忘機任
去留問我何所有長竿以外空空手惜哉長
竿亦虛寄物我相遭時未至科頭兀坐且待
時時平時何太遲

述懷次友人韻

世事紛紜似亂絲自家功過自家知誣冤豈

獨唐申錫曠達誰如晉輔之千尺浪終歸海
去半天雲已入山遲釣翁不分寒江老收拾
長竿且待時

厲都轉簡放岳常禮道賦呈卽以贈別
夙智歧嶷德望崇矯然鶴立幾人同心原止
水冰壺潔神若間雲玉海空知我自來惟鮑
叔憐才難得有山公淮南草木欣榮甚都在
湖天月照中

賢勞早受帝心知豈在三湘簡命時寇準東

行新秩晉潞公南服舊恩遺自任清望中舟楫隨風轉詔下藩屏指日移從此樓臺近霄漢人間誰聽遣愁詩

呈黃虎卿太守

荆門一別夢空回廊廟林泉志並灰塵海茫茫無定局酒徒歷歷有奇才士知任昉趨羶至民認公建節來近喜公餘清興足宏開東閣共銜杯

多君忘勢重交情惆悵湘江去棹輕事業他

時循吏傳文章當代碩儒名郡齋觴詠情何
極鄉里烽煙劫未平自笑暮年成倦旅良宵
孤負月華清

和黃虎卿太守采玉堂試題擬作

八首
存二

人字柳

萬縷煙絲綠倒拖春光如許意如何晚風隋
苑牽情易斜日章臺悵別多放眼昵人塵不
染低眉臨水影誰摩依依長傍淵明宅愛聽
流鶯百轉歌

曉風殘月想丰神每見娉婷欲寫真眠起不
知金谷晚笑顰無與玉關春濃陰低護忘炎
態弱絮高飛遠俗塵莫向道旁亂攀折好留
青眼送歸人

續和八首

人字柳

別有丰姿未易描飄然遠引黯魂悄效顰恐
惹蘿村妒彈指空嗟杏苑遙濯月王郎清態
迴朝天妃子澹眉嬌祇將着意東風盼綠到

揚州第幾橋

縷縷絲絲萬緒縈樓臺煙雨板橋晴瘦腰豈
向人輕折醒眼因臨水更清憑爾染將華貴
色輸他閱盡別離情年年苦恨郵亭路不管
春秋只送迎

亞字闕

夜明簾外檻流丹影落苔磚九曲盤空處畫
疑雙管下壓來花認並頭看中心合體憑虛
巧魁首良工獨占難月滿迴廊清似水冰壺

四面一齊安

記曾煮茗就風涼雅製迴文繞曲廊櫻出依
稀殘豆粒花看次第讓梅芳雨餘虛逗壺瓜
綠月上平分聖壁黃移置條侯營柳畔當施
行校護圍場

丁字簾

垂垂一桁綠窗虛寶鴨頻添坐擁書汀淺波
消風漾後亭高影沒日沈初碧鱗蹙處湘紋
起紫燕飛來綺幕疏最好零沽忘酩酊閒看

對奕意無餘

波動盈盈似浣紗
稀疏碧暈畫檐遮
庚緒引竿橫玉乙
乙珠穿箔有花竹
影月攬香个篆蒜
痕風趁翠鉤斜莫
擡一幅江沾水留
取樓頭濛落霞

風字硯

田無惡歲石田開
不磷而緇體用賅
砥礪隅成君子德
摩杪歌上大王臺
毫飛似藉吹噓妙
墨舞都從鼓動來
如湧文波騰學海
鴻毛

遇順其悲哀

翰墨因緣感歲華
俗塵撲去合籠紗
一池吹縹微凹水
幾點飛來乍落花
稜角偏多磨有劫
雲煙入妙掃無涯
自從追琢兼湔洗
假我文章大塊誇

秋夜

悄然無語寄秋風
敲枕銀床漏未終
明月一窗驚夢斷
惱人籬下應聲蟲

庚申春日復登黃鶴樓故址

浮圖孤影接蒼穹百尺樓隨浩劫空淺草乍
抽新雨後殘碑斜倚夕陽中一江春渡山光
綠萬井煙銷石壁紅玉蘂漫吹天上曲梅花
早已怨東風

月夜

簾捲香銷漏未殘星河耿耿獨憑闌如何廿
四橋頭月常在他鄉子夜看

小游仙

秋水神清玉骨妍霞裳輕降九華巔休疑底

不減山房詩草
事蘭香謫天上原無有過僊

爭道麻姑度蔡經合家鶴馭紫雲停最奇雞
犬登僊籍不許塵凡曉夜聽

娜嬛本是洞天居別貯人間未見書可惜茂
先終命薄縱觀片刻意無餘

瑤室書封石徑深絕塵劉阮許追尋若非重
到天台去轉有仙娥未了心

詠鞠

黃葉蕭疏九月天百花开盡鞠嫣然寄來籬

下情仍傲老向秋中色信妍月澹恰宜孤影
瘦霜寒不受眾芳憐此生愛結煙霞癖常伴
淵明竹徑邊

盆魚

玉盆翻覆聽升沈渾似濠間樂意深只爲主
人鍾愛切一生不動化龍心

瓊鞠

芳蕊含滋汲水新瓊頭秋色宛如春自從不
寄東籬後閒殺當年抱灌人

不波山房詩草

洩灘舟中

俗名葉灘

片帆破浪趁新晴
風激灘流怒有聲
似恐載輕難穩重
日移山影壓船行

漢口放舟觀荷燈

輕搖小艇出煙汀
芳草經秋不斷青
十里通宵喧作市
兩山對峙列如屏
水天一色雙輪月
燈火連江萬點星
低傍蓬窗敲側卧
潮聲入夢未曾醒

無題

夢裏分明手共攜
荒林月落夜烏啼
窗虛風入燈常閃
草滿煙深徑易迷
露冷無聲銀漏促
星高有角玉繩低
相思無益空惆悵
孤坐沈吟待曉雞

偶成

一天風月楚江秋
耿耿星河燦女牛
莫道思歸歸未得
故園夜夜夢中游

弇山道中

蒼翠寒光曉幕侵
峰迴路轉接遙岑
亂山排

擁當關隘飛瀑奔流落澗深滿徑奇花無客
過百圍遠樹作龍吟前村應是經行處半嶺
晴雲半嶺陰

江干晚眺

茫茫身世水雲涯楚北霜寒到岸葭落日照
殘雲外鴈秋風吹老鏡中花未忘憂患難成
佛縱有湖山不是家卻憶揚州明月夜深聞
徒倚感年華

廬山

奇峰萬疊勢嶙峋雲影嵐光變幻頻
恠底世人多僞態廬山面目亦難真

囊琴

遺世惟餘爨下琴不彈奚事覓知音
處囊怡與閒相稱流水高山尙有心

攔筆亭納涼

小亭近水夏生寒靜裏光陰暑易殘
豈爲罷歸中不熱一生夢未到邯鄲

秋夜

西風容易惹相思
渺渺心情付與誰
碁枰干家霜葉下
棋枰一局漏聲遲
月光明滅雲常亂
蛩語淒涼醉不知
惟愛黃花爭晚節
秋深猶有未開枝

有感

暮煙飛騎踏輕塵
舊日樓臺入望新
楊柳不知春早去
依依猶拂過橋人

重九登鵠嶺

重陽古節傳桓景
我亦登高黃鵠嶺
遠隔鄉

關路幾千茫茫不見山河影忽看天際暮煙
開鴻鴈新從塞北來嘹唳一聲沙岸落蕭蕭
木葉霜爲摧鳳凰山下湖光白鸚鵡洲前秋
色綠俯瞰江流去不回方知萬事如轉燭吁
嗟乎焉得砥柱挽狂瀾屹然不復隨波逐

書所聞

銜詔長征擁節旄勳名同繪閣中高公侯爵
定千秋錫文武功成一筆褒萬國何時盟折
矢三軍誰與飲投醪從知世事如棋局勝算

原難獨自操

次韻和謝守之登高歌

乾坤伊始一荒邱
達人豈爲滄桑愁
古來臺榭多茂草
盛名自足成千秋
仙人杳渺黃鶴去
雲水蒼茫何必樓
祇我臨眺空優游
不禁撫景浩然歎
惟見長江之流汨
汨無盡頭

書懷兼憶京師舊友呈厲觀察

舊業曾無鞠徑存

家鄉故宅焚燬一空

天涯謫宦更何

論才庸媿我
翰燕駿日暮
依人聽楚猿
德色

不存心愈降用情周至感難言女蘿幸得盤
根附松栢陰多豈厭繁

作宦無端泛楚舫都門回首感蓬萍尊浮螳
綠排歌席燭翦花紅影畫屏追思往事宛如昨日兩鬢
成絲看似雪廿年舊雨散如星最憐攜手停
車處郭外山光不斷青

登跨鶴亭

鵲嶺添脩跨鶴亭秋光未到此先經前立秋四日
樓臺多少不知處笳鼓喧闐尙未停華髮隨

時催我白好山依舊向人青獨憐世外忘機
客鎮日糟邱任醉醒

重游跨鶴亭疊前韻

故鄉無此好園亭況負名山昔未經

遙想當年更有

可勝地滄桑感何極兼天波浪湧無停文章
漫欲誇元白功業誰能比衛青敢謂旁觀塵
障少邯鄲枕上夢先醒

詠鞠

高士棲遲村落間偏饒別趣獨舒顏殘花不

落留香久晚節雖榮閱世艱五色繁華無礙
澹一籬風雨自能閒有人相待重陽醉月滿
松扉未肯關

秋江晚眺

倚杖江城外山光入畫圖寒風摧木葉遠水
沒菰蒲日暮爭船渡鴉歸擁樹呼秋高碧天
淨極目片雲無

佛手柑

天上奇香遍地栽拈花何未帶花開空王手

本空空妙特向人間指示來

晚眺

偶攜藜杖到江干無限秋心付急湍
山樹頓看黃葉盡野雲相逐碧天寒
汀洲落鴈聲如訴樓閣斜陽影欲殘
多少故人成遠別淮東燕北思漫漫

十月九日邢子膺明府初度賦詩爲壽
團聚今非易惟君樂此生詩心敵騷雅才氣
屈公卿愛友皆論性憂時不計名黃花新釀

馥媿少奉觴情

書葉潤臣觀察敦夙好詩遺集後

故交久悵別離頻
況復招魂浙水濱
樽酒論心成往事
吟編遺世得傳人
無窮感慨惟將月
可惜風光不是春
始信浮生駒過隙
文章千古見精神

壽厲鳧盦都轉十月生日

嶺梅爭放小春天
閬苑晴開醉舞筵
紫氣東來人盡望
日邊光曜壽星圓

貂冠豸繡舊弓裘海屋今宵占上游須識陸
離金碧滿蓬萊才到一層樓

羣僊隊裏肅班回酒釀延齡飲百杯知道使
君清且健芙蓉江上拒霜開

玉階蘭桂露華滋羨作商山九曲芝松栢百
圍成遠蔭世人景仰不彫枝

冬至前三日雪

天心漸復一分春先兆豐年慰野人從此沙
蟲都滅跡雪花滿地不飛塵

次韻和吳芷生

正郎

述懷

出岫無心若遠思雲歸已悔入山遲每於樽
酒難忘舊祇有詩書在念茲民瘼誰知眞痛
癢閒情怕與世推移年來莫話當前事惟憶
承平極盛時

卽事

老大江南客天涯又歲寒文章一無用仕隱
兩爲難得句輸梅瘦敲棋忘漏殘浮生休悵
惘且盡酒杯歡

曉起對雪

玲瓏窗外影迷離一夢南華起較遲我有寬
腸容濁酒天將瑞雪補清詩無心家國愁都
遣放眼乾坤老不知此日空江飛鳥絕欲尋
簑笠學漁師

題牡丹貓兒圖

壬戌

虎頭依樣畫貓兒偏近吳宮第一枝想爲鼠
姑名易誤靜蹲花下意遲遲

花王休笑傍烏員富貴曾占吉夢緣若使化

龍簷外去一身香帶入雲天

題桃花白頭翁圖

莫笑山翁雪鬢繁
人間春滿卽桃源
倚風帶雨都銷恨
花亦無言鳥不喧

邗上螺亭憶勝游
紅霞臨水景全休

螺亭載畫舫錄

亭側桃花千百樹紅霞臨水入景之一

瑤池花發三千歲
怪底

青鸞也白頭

夢歸邗上得詩二句因足成之

故鄉忽返夢中魂
松徑柴門罔復存
二十四

橋只明月數千餘里一王孫命惟不達文章
賤劫到將終士卒尊欲淨聞根學仙佛絕塵
何處訪桃源

題張瑞生秦川圖

大德遑問名丈夫責自異豈惟人然物亦然
狺狺一犬猶知義主貧戀主常相依餓死自
甘不忍棄途窮忽遇奇男子見之惻惻情難
已以價償犬藉濟貧兩全犬與人皆喜吁嗟
乎犬兮犬兮何足齒吾甚嘅夫士生天地間

何以忘義不如此

枕上口占

華胥夢斷宦情閑
燈焰將隨玉漏殘
不羨錦衾方綺褥
敝裘偏耐五更寒

偶成

溷跡緇塵野鳥過
謀生無計悔蹉跎
離懷每欲開尊醉
世事難禁擊缶歌
無限心情空襖被
有誰功業誓山河
聞鷄漫學劉琨舞
對鏡其如白髮何

有感

身世茫茫欲問天
江關何日靖烽煙
文章無用難華國
籌策思陳已暮年
詩虎酒龍惟自遣
焦琴倦鶴幾人憐
客中底事繁霜鬢
遮莫閒愁思渺然

枕上

心情底事若驚湍
高卧蕭齋且自安
客夢又和秋雨續
漏聲應共夜燈殘
能忘名利藏身易
欲絕喧囂擇地難
卻笑聞雞劉越石
熱衷

不耐劍光寒

和李仲白茂才原韻

宿霧初收曉月昏
猿聲啼斷玉妃魂
山多秋氣連天淨
風急江流帶石奔
優孟全眞誰肯信
華胥一夢了無痕
出塵只有金丹訣
閒與僊人酌酒論

壽羅田潘四梅七十

潘君詩筆老無敵
矯若游龍蔑形跡
雄光奕奕騰虹霓
作作星芒指太白
豪放不欲羈名

場歸田誰識陶彭澤閒情逸趣付新吟酬唱
名流永朝夕騷壇才氣壓公卿眼界放開天
地窄卧園鑄劍驚雨風祕笈鴻篇勝雞跖君
有卧園八種八種況復鍊勇威桓桓借箸前籌決奇策
文章抗手業千秋更有勛名重金石姜君勇
退賦遂初我亦延之曾脫幘人生知已在知
心萬里神交成莫逆方今烽火蔽江南坦道
半緣梟獍隔馮唐老去胡爲歎孤負蓴鱸常
作客白雲蒼狗變幻多豁眸早買遊山屐茲

值東籬菊正開
延齡酒似連城璧
雲璈譜曲
眾稱觥霞觴色映滄波
碧撫鬚一笑莫問年
但看昆侖山下蟠桃核

送謝守之往龍坪時七月十五日

挂席故人去
驪駒發浩歌
湖山秋正到
觴詠
別偏多
鳥倦天難近
蠅和海不波
外夷撫後
多以洋商
販鹽君行
爲榷鹽稅
相思空悵望
今夜月如何

和吳芷生原韻

開眼迷濛市地塵
天涯羈絆百年身
愁消城

不波山房詩草

府空餘酒兵阻鄉關莫憶尊客思怕聽江上
鴈世情祇羨隴頭人拓窗偶倚斜陽外謂跨鶴亭

白水茫茫失遠榛

時值江水暴漲

登樓雜興

昔年煙櫂下渝州

解組後由巴東而下

此日登臨寺外

樓湖海波深鴻鴈到芙蓉花老鷺鷥秋風鳴
木葉千山瘦月湧湘江萬里秋遠眺不勝塵
世感人間何處有丹邱

睡仙亭

喚醒塵凡夢一儔十洲三島卧中遊神仙大
覺千年事休向先生借枕頭

跨鶴亭

閨苑朝真返豈遲紅羊劫過已前知重來無
限滄桑感只賸湖山似舊時

文昌閣晚眺

馮唐衰茶且開顏莫放樓頭景物閒征鴈日
沈尋遠浦歸雲風定失秋山功名老去灰心
盡詩酒情多俗慮刪聊共仙徒話杯茗江流

汨汨不知還

獨坐

獨坐塵緣屏捫懷夜氣清有書無事讀苦境
樂情生世味忘濃澹□□鮮重輕何爲慰岑
寂秋月滿窗明

壬戌冬日呈厲研秋星使

分隔雲泥跡馬牛

道梗南北音問久疏

天邊忽見紫霞

舟蔡尼自昔邀青眼王粲於今歎白頭卅載
心情空襖被一官波浪任沈浮鄉關日暮知

何是祇有東歸水自流

珠泉一別感滄桑爨下琴焦更處囊塵海獨
憐成倦旅生涯只許學詩狂漫嗤馮老華簪
短祇羨歐公玉尺長今日逢君如舊夢離悰
欲訴九迴腸

情懷無限積燕臺往事奚堪首重回雪壓畫
檐閒索句歌迴玉管喜傳杯燭高花趁棋聲
落山近車迎翠障開何幸九重新寵渥皇華
四牡日邊來

風流宏獎又山公共仰台垣氣似虹一路雲
霞輝節紫千頭橘柚傍韶紅湖山載入吟囊
滿桃李陰成藻斧工萬樹珊瑚搖海月待收
鐵網鳳池東

閩地有
浴鳳池

集讌跨鶴亭座有厲鳧盒方伯研秋星
使

江城勝跡又重經攜手清游等聚星千里濤
聲吞夢澤一天雪意壓沙汀樽中酒氣浮銀
燭檻外山容列畫屏更喜豪情忘主客睡僊

亭畔任醒醒

對酒二兒鈞侍飲

莫問窮通理難忘骨肉情衰年成久客幾輩
累浮名地僻兵戈襲聞皖省賊搜山騷擾民貧性命輕
且酤一尊酒閒述世承平

冬至日跨鶴亭望雪

開到梅花鶴未還拓窗天外此心閒迷濛碎
雪飛如霧不見江頭一片山

自題維揚憶舊遊圖

并引

癸亥

家鄉勝景畫舫錄備載焉四十年前
曾與二三知己讌遊湖上園林已非
全盛之時雖漸次零落然猶有可觀
迨癸丑後殘山賸水蔓草荒煙不堪
極目此數年來疊遭蹂躪更當何如
追憶昔時未免有情誰能遣此爰賦
詩繪圖聊以寄慨云爾

平山堂

平遠晴嵐障碧空

西山有平遠樓

鷓鴣聲裏冷青楓

大江南北風流絕

朱開禧中坐地吏部閤蒼舒賦詩有江南江北無風

流鐵板休敲玉局翁

曲水

流觴韻事委煙波誰向清溪載酒過香海雲

飛

河心舊有牌樓

山影落

溪上有筆架山

葦花瑟瑟

夕陽多

廿四橋

螢苑雷塘恨六朝煙花已逐夢魂消況堪閒

殺橋頭月無復詩人詠玉簫

環翠樓

隔江山色日飛來
爭奈樓空闌不開
千樹桃花萬楊柳
上接長隄春柳
下接桃花塢
等閒都付劫中灰

三賢祠

名流祠宇緬高風
焚尾留春拓數弓
何意開田屯萬馬
頭巾更比藥花紅
祠中芍藥最盛
癸丑賊於此築

壘

法海寺

瑤琴鳴罷遠公師
昔與梅蘊生孝廉小憩
寺中聽雨田上人彈琴
臘

有交柯古木樨

寺中桂樹枝柯相交

可惜浮圖羅滅頂

癸丑兵燹中塔上風摩銅頂爲人攫去

日斜影不上高枝

小金山

湖心結構屋如船
畫裏停橈感昔年
萬朶蓮

花一尊佛

山寺三面臨水蓮花極盛後有高臺上供觀音佛像

盡隨白

骨委蒼煙

癸丑郡城收復積屍均葬於湖上荒地

桃花庵

吟壇那復集花朝

曾賓谷侍郎官鹽院時與黃春谷觀察卜竹辰方伯

花朝日集讌聯吟於此

翠袖紅粧歎寂寥

僧院多竹絳陰蔽天四賢

亭下盛栽料得四賢亭下路更無人上渡春橋

紅橋

楊柳東風莫漫吟尋春無復綠成陰
橋畔向多楊柳
風流只有漁洋叟禊飲相傳直到今

小虹園

十年夢覺感滄桑歌席無端換戰場
園有夕陽紅半樓昔與友人屢於樓上燕飲吟眺
畫檻瑤窗歸一炬更誰徙倚詠斜陽

慧因寺

鐘魚圓寂暮煙霏佛殿蕭條花鳥稀回首門
前溪月上笙歌一路畫船歸寺門偏近河邊
昔屢與朋儕傷
晚游此

竹西亭

故人偕此醉屠蘇丁酉新正汪孟慈太守攜
酒肴飲余亭上得見三絕
碑感慨空教擊唾壺此日若尋歌吹地不知
三絕有碑無

尺五樓

竹籬虛隔紫霞居登臨者必
經此居列岫排青送雨

餘迴憶沿溪穿九曲樓頭話雨故人疏

出九曲池

口見此樓

治春祠

風月無情花亂飛蜀岡冷落故園非長隄吟

社今何在

四十年前屢與友人觴詩其地

豈獨傷心舊侶稀

倚虹園

雙虹影暗夕陽低花下壺盧莫更提

癸未春曾與同

游泮水諸君釀飲於此

多少樓臺盡寥落龍舟不渡畫

橋西

園西面水端午龍舟競渡每聚於此

綠楊灣

笑眼顰眉悵別離斷橋煙澹雨如絲有有斷橋通西

門水春來莫上迷樓望不是隋家舊日枝

觀音山

十丈香塵百丈煙摘星亭圯佛光圓山寺香火極盛

寺殿卽摘星亭故址誰知垢盡皆成劫徒結人間樂善

緣重修數次屢爲火燬

小香雪亭

羅浮春到雪成堆亭四面徧栽梅花故以香雪名況有新詩

不渡山房詩草

句暗催

梅盛開時詩人
多吟詠其下

誰使逋仙成別怨東

山月出鶴空回

亭在觀音山
平山堂之間

硯池

在南樓下西偏

小闢南湖翰墨場方亭宛在水中央

亭如方
硯故名

文章磨滅餘何事把釣魚竿引興長

文人學
士頗有

聯文會詩社於此者後空
亭欲圯但有人垂釣而已

巴園

卽白塔晴雲在渡春橋內西岸

盛時務本重農桑

牆外石刻邢
上農桑四字

綠樹陰濃餅

餌香社罷不堪橋上望西風十里色蒼涼

高詠樓 卽蜀岡朝旭

蕭疏樓閣夕陽遲
歡傲詩成酩酊時
幼時隨先
君會同人祇聽綠陰鳴
翡翠湖上園亭更無
觴詠於此
人唱治春詞

萬松亭

萬壑龍吟一嶺風
亭在平山堂東古松萬何
來劫火古亭空
嘉慶庚午秋隨侍先君游
湖上見亭頂煙出如霧
片刻
間火從頂板上出
鑾輿去後淮東冷
亭中供奉御書
亭與樹俱焚焉
石入夢難逢十八公

傍花村

從來高士遠塵囂老圃疏籬逸興饒

方圓里許皆蒔

鞠奇葩異種

極一時之盛秋色頓隨風雨盡葉公墳畔客

魂消

葉公墳在村東極高九日游人多於此登高賞鞠

古梅花嶺

度嶺香分第一枝

嶺如龍蟠梅花叢植於嶺之前後殆遍不下億萬株

臞僂品格美人姿久無詩興如何遜孤負東

風不斷吹

另作

桃花庵

半山樓閣豔薰霞塔白亭紅夕照斜

長春嶺蓮性寺

俱在

小飲花間容易醉比鄰園是酒人家

比鄰

韓園
賞酒

小虹園

洞天卷石小滄桑溪月山風引興長最是夕陽斜照處半樓紅入酒人觴

竹西亭

曲徑禪房花影澹春深曾醉酒千鍾

丙申春與汪孟

慈太守謙空留鼓吹樊川句蔓草寒煙鎖籜
龍飲終日

冶春詩社

懷僊小館動幽思別墅亭臺異舊時地本王
山藹別
墅十二闌干香影斷讌遊誰唱冶春詞

香雪亭

萬松亭畔梅千樹本名十畝梅
園後賜今名鶴舞龍吟物
外身香雪滿山春似海曹棟亭有老我曾經
香雪海五年今見廣

陵春廣陵詩興屬何人

巴園

蓮華橋北蜀岡東
疊石臨流積翠通

園有積翠軒在

半青種得芭蕉還傍竹
山房聽雨雜秋風

高詠樓

宛轉秋千晃夕曛
芙蓉浪暖漾晴雲

園有宛轉橋並

設秋千架池中多種荷

西江月暗詞流盡

本蘇東坡題西江月詞處

休說揚州占二分

淨香園

即江園

水月澄心比玉壺
春波橋漾碧珊瑚

有珊瑚林天

光雲影樓頭望

天光雲影園中樓名

四面江山入畫圖

西園

楊柳風和泛綠波濯清堂外藕花多

堂前方塘十數

畝盡栽荷花

一簾月影空於水還憶迦陵載酒過

國初林古渡

陳其年憊此

吳園

後改名園卽長提春柳

浮春檻外水粼粼

園有浮春檻額

把釣秋風不問津

難得一家工韻事

吳本徽州望族名園有主僑揚多年工詩

屬詩人

雲山閣

夕陽雙寺一樓紅

舊有夕陽雙寺樓

多少林泉俯瞰

中雲傍溪花山入畫吟風醉月憶申公

呂申公昔

守揚州嘗
譙集於此

熙春臺

俗名大花臺卽春臺祝壽

花光水氣界瓏玲

上有玲瓏花界額

曉日臺前躍馬

經

游人至此屢躍馬而過

游客目迷神恹悅五雲多處

牡丹屏

壁畫雲氣屏畫牡丹

徐工

卽石壁流淙

峭壁凌空十丈懸碧雲樓外挂飛泉

樓在閬風亭左

闌風曉動煙開處柳綠桃紅一洞天

九峯園

嵌奇九石硯池傍一霎文場換戰場舊是元

豐賓館地

園爲宋高麗館舊址

無端揖盜辦壺漿

癸丑江壽

民開南門迎賊賊
陳城營壘於此

小秦淮

捲簾莫話小秦淮話到秦淮倍愴懷白下歌

場成瓦礫揚州那不眾香埋

接駕廳

御舟艤處肅觀瞻網戶金絲翡翠簾好待江南復巡幸更從山塢構飛簷

趣園

卽四橋煙雨

迴環林翠映朝暎雲錦流淙綠到門

雲錦淙在光霽

堂右滿院落花人悄悄鳴鶯語燕亦聲吞

東園

方壺鑒室已全非誰惜春光倚暮暉

園有俯鑒室上

賜楹聯

嶺畔鶯花橋畔月一齊都付夢依稀

五臺寺 不在湖上

蜀岡伏脈跨河東紺宇飄香靄碧空霞蔚雲
蒸華表在何年重見梵王宮

題郭仙波小照

翠微頂上鳳鸞棲

君昔寄寓呂祖閣下卧雪空山眼不

迷

君言鵲嶺大雪時見黃鶴迴翔

市隱天懷徵雅澹墨光霞

彩炫書題

重建跨鶴亭等勝蹟楹帖隸書半出君手

從知和靖情

依鶴不羨劉琨舞聽雞供養高人無別物松

濤雲影滿幽蹊

跨鶴亭偶成

積雨初晴策杖遊
偶登鵲嶺豁雙眸
世間惟有青山古
江上空餘碧水流
村遠暮煙浮樹杪
窗開新月挂簾鉤
憑闌忘作天涯客
疑在揚州第一樓

鄂寓卽事

聞說家鄉徑已荒
楚江久客亦何妨
梅經霜雪香彌永
厨鮮烹調味轉長
謫吏姓名憂世識
空山猿鳥笑人忙
閉門無別關心事
兒女

依依列幾行

偶成

綠楊消叟夕陽低
昔日蕪城路已迷
若問儂家何處住
瓊花臺北石橋西

悼亡

十載流離事莫論
浮蹤何日葉歸根
岷瞻已抱終天恨
旌斷還悲月夜魂
若使楚軍從將約
奚來燕闕拜君恩
白炊一夢難追悔
忍學蒙莊獨鼓盆

輓厲研秋星使

日下星光一夜沈驚聞鄰笛起悲音空留玉

尺清嚴譽怕憶冰壺次第斟

舊官京師每晏會必輪飲巨觥

爲樂文字感傾知己淚

君不喜論文庚子楊前獨攜捷作與余易文相

觀風波顛碎老臣心

君以學使由閩航海回京

此生已恨

相逢少況更重逢訣自今

鸚鵡洲

雲天無恙草芊芊一碧無情意惘然萬頃江
流濤捲雪五湖春色雨如煙長蛇封豕看消

滅華屋山邱感變遷獨有正平千古在驚人
賦筆至今傳

黃鶴樓

雲飛鶴去幾低徊況更名樓付劫灰咽石江
流連月湧壓城山色帶秋來子歌漫弄梅花
笛辛酒誰傾竹葉杯到此詩情空宇宙高吟
誰是謫仙才

焦尾琴

爨下生機往復回休將枯槁浪疑猜自憐天

籟知音少曾歷風煙浩劫來應手一揮何礙
禿此心千古不能灰雲璈三疊殊凡響誰似
中郎識異材

松紋劍

松紋三尺耀千尋五色氤氲出寶鐔塵外風
生騰虎氣江心雲起作龍吟倚天欲掩長空
色舞夜猶存不老心鱗鋏森森磨勵久韜藏
未許雪霜侵

竹葉杯

玲瓏巧製愛虛心無復千霄一徑陰酌水始
知君子澹醉花且欲故人尋波翻曲沼龍疑
化雲倚孤峰鳥勸斟良夜舉杯對明月萬竿
還憶影森森

梅花帳

冰姿傲雪最風流十幅輕綃挂玉鉤半榻香
雲清供養一窗明月小羅浮人同不睡重衾
冷春自能消破屋愁就裏恰宜高士卧漫誇
何遜在揚州

秋懷

天涯秋色逐人來得酒頻斟竹葉杯好鳥慣
依幽谷宿野花徧趁夕陽開每憂醫世無良
藥時有邀余
診病者自媿謀生是拙才回首石頭城
外路樓臺多少委蒼苔

秋夜

旅館深宵寂蟲聲入耳幽湖山千載夢星月
一天秋無命文章賤知時燕雀愁孤懷何所
寄惟憶水邊鷗

不波山房詩草

靜坐

自計如何策萬全
放開身世便翛然
水因下易推難挽
月爲明多缺少圓
巧語烏誰逃籠絡
不材木可葆天年
從今悟得閒閒訣
一卷南華作枕眠

偶憶

偶憶鄉關事若何
荒寒猶是舊山河
六朝金粉消磨盡
一代文章感慨多
鐵甲空傳賢將帥
都帥守場石城無計靖干戈
醉餘欲效劉頗愜民心

琨舞爭奈腰間失太阿

深悔從前學燕忙梁空泥落滯他鄉每驚旅
夢連宵雨忍說春光易夕陽筆硯生涯蟲負
版亂離家計鼠搬薑酸鹹世味嘗都徧酒是
消除塊壘方

秋感

楚天鴈過夕陽殘聽盡秋聲木葉乾霜鬢不
驚明鏡改只愁霜重萬家寒

武昌太守黃虎卿都轉招飲亦亭卽席

奉酬

羊公東閣敞瓊筵許我追陪列眾僊山色連
雲飛檻外花光帶雨到尊前止談風月心難
醉不入雲霄謫易全底事蓴鱸託歸興長竿
垂釣五湖煙

偶成

棋忘勝負酒忘醺塵外心情自軼羣除卻一
身無長物半江風月萬山雲

槐夏書感

綠槐夾道影頻移獨立風前熱不知琴到無絃
通造化棋當爭劫見權宜未逢伯樂鳴何益
欲效班超悔已遲我自忘機空世界任他雲
態變多奇

靜坐有得

十年謫宦楚江濱塵裏行藏夢裏身眼醉如
癡醒自覺心涼似水熱難親忘名容易逃仙
佛有好何嘗累賤貧多少雄才多少事南華
讀罷跡都陳

不涉山房詩集
羨煞煙波一釣徒。自憐身世入歧途。無心經
濟。非書誤。強意周旅。覺氣麓棋局爭鋒。迷黑
白。林花作態。易榮枯。蟬癡螳巧。皆成夢。誰向
雲天拍手呼。

癸亥月當頭夕。虎卿都轉集飲亦亭拈
一年幾見月當頭。句作轆轤體。詩屬
和卽席次韻奉酬。

一年幾見月當頭。翻悔從前作宦游。烏號信
天甘守拙。蟬難知雪與誰謀。欲尋張翰三江

隱不羨班超萬里侯
襆被心情莫振觸乾坤
任我此生浮

百歲光陰逝水流
一年幾見月當頭
漫言唐肆空求馬
誰識韓康是奪牛
世事如棋爭勝着
旅居有酒破窮愁
東南漸次欃槍掃
白下烽煙指日收

淮吳兩地早兵休
可有湖山入夢不
五夜未看星有角
一年幾見月當頭
誰言李廣逢奇數
始信汾陽有壯猷
從此邊陲刁斗靜
昇平

無復至尊憂

憶別親朋已十秋
萍蹤忽聚倍綢繆
綺窗燭炮忘銀漏
綠螳醅香泛玉甌
萬事都如雲過眼
一年幾見月當頭
最難送客身爲客
不是揚州是鄂州

飛觴佳興使君稠
雅集新亭互唱酬
世有山濤才識重
民謳黃霸古今侔
情田種福幾成海
詩社聯吟獨造樓
莫負羣僊高會夕
一年幾見月當頭

次韻和戚鶴年見贈

鬢毛臨鏡感星星老大蹉跎未足型嘉客不
嫌留斗室故園何處憶風亭山川未改人非
舊雲霧雖騰雨不零時亢旱已久蒿目時艱倍惆
悵馮唐長歎有誰聽

天然聚合等蓬萍何幸江干舊雨經澹泊菜
根安我素欽奇山色向人青揮成珠玉詩無
敵君素有詩名屈倒公卿筆有靈轉瞬石頭城克

復季鷹歸櫂下中泠

不波山房詩草

聞陳生孟琴在豫病歿賦此悼之

甲子

星暗重霄月暗煙瓊林

開封省瓊林苑

永訣淚潸然

心傷長吉離千里命短顏回早十年偶現曇

華渾似夢空蕪玉樹奈何天不知一別蓉城

去身列煙霞第幾僊

三載離懷未忍開

生壬戌發解即赴春明於今三載

那堪凶

耗逆心來若論命數天何薄始信功名念早

灰

生春明下第余函勸留京族聞回豫心甚怪之

夏草恨難生洛浦

生叔聞生吐血覓得草名六月雪能療此疾正欲專足寄去忽得死耗

春風吹

不到泉臺因緣文字從今盡何處招魂酹酒
杯

卽事

小立微吟俗慮刪名園依水絕塵寰魚爭香
餌衝波急鳥憩幽枝伴月閒勝算獨超枰外
客奇思欲徙雨餘山世人不解人忘世翻笑
官拋兩鬢斑

城南遠眺

平岡清眺俯乾坤青滿溪山綠滿村春在異

鄉歸似夢心離宦海黜爲恩逋仙空悵梅難
去歲偶悼亡坡老猶欣芥有孫昨綿孫自揚鎮日
但教醒更醉浮沈身世不須論

送萬彬臣歸西江

五湖煙外木蘭舟歸去西江得自由吟取廿
年舊風月百花洲上一窗秋

次韻和張惕園明府喜聞克復金陵追
弔張忠武公

白下爭傳毒霧收飛馳露布大江頭絕糧舊

恨無雙士

公會擒斬羅大剛等諸勁逆惜因絕糧兵潰致死

勝算今

成第一籌三錫酬庸侯伯爵萬言善後帝王

猷

閔邸鈔見今上授以善後方略

媿余孤負昇平世僻處空

輸漢太邱

次韻和黃虎卿都轉金陵克復

驚天功業白門開十二年中備七哀北闕殊

恩新爵秩南都浩劫舊樓臺於今定國風行

草自古平戎德勝才莫爲鄉關悵迢遞儘堪

沒腳走芳埃

疊前韻

雄關不待玉匙開馬援遨遊百掾哀

用伏波坐鎮隴

西事破膽先驚崩石壘忘身都爲築金臺茶邱
克敵三千旅諸葛過人十倍才從此止戈修
禮樂歌功無復筆生埃

壽戚砥齋先生六十

樂山翁住鴛鴦湖豪氣才名一世無人生所
爭在不朽紆青拖紫胡爲乎此翁文獻如指
掌泰山北斗人皆仰珠璣滿腹宿羅霄別有

襟期結遐想閒情聊復託謳吟作作生芒字
字金謝氏風流工唱和一家麗句雜僊心讀
書已過十萬卷坐擁百城薄軒冕放開眼界
小乾坤驥足羈遲名未展故園焦土可奈何
小閱滄桑感慨多橐筆懷珍走三泖文采驚
人稱庾鮑我久欲識韓荊州相思一日腸千
攪歸然獨存魯靈光舉世伊誰與頡頏眼前
有子子有孫一經傳付聲蜚揚紫誥輝煌晝
錦堂君不見蓬島瓊壺日月長列仙同進紫

霞觴

甲子金陵克復舉行鄉試偶賦

紅羊劫過棘闈開十丈文光出草萊
北闕經綸收俊彥南朝煙雨失樓臺
蕉邊舊夢尋無著天下名心熱未灰
料得冬榮春更豔簪花都是出羣才

是科詩題
桂樹冬榮

冬暖野步

楚北春常在休將失序看陰疑陽必戰
人與物忘寒誰覺冰霜凜方知雨露難
芳郊殘照

裏楓葉一林丹

贈虎卿都轉

游客爭趨類慕羶使君高義薄雲天疑難事

解機權見

謂楚竟撤勇幾瀕滋事賴公相機行事得免

閒暇情娛

筆墨妍

公餘稍暇輒以詩畫自遣

國有寇公消怨讟

萊公曾仕

楚人謳汲黯溢郊廛馬遲終達青雲路劉琨

何嘗猛著鞭

謂公保升監造遭部駁

右耳行

三漏如禹自古稀奈罔一隅耳莫提肅殺之

氣任義施飄忽西風向我吹此中空洞本無
物無端壅塞而充之吁嗟直言不得入讒諂
面諛常在側浸潤謠諑心不知蔽聰空恃觀
顏色偏聽都緣輕聽誤誤身誤國人無數身
亡論定表其名國敝難堪□□□君不見天
地之大惟左海逆流何日還其故

天門舟次

輕橈盪出竟陵津積雪初晴物色新窗裏光
搖波漾日爐中火小冷生春杯傾煖酒人同

醉與吳秋雲同舟被擁孤舟月作鄰宵柝忽驚清夢醒卧聽漱玉水鄰鄰

舟中卽事

漫言李郭是同舟遠樹寒煙一望收翻覺閒心無著處蓬窗相對醉爐頭

與吳秋雲同舟共飯

寒氣森森入夜生衝波雙漿一舟輕天涯不作還鄉夢卧聽鷄鳴向幾程

久旱

雨勢雷聲總是虛三農袖手罷耰耰竟教青

種枯鱗隰可有黃雲覆錦車天怒示懲威未
息人心爲虐魃難除顧歡神妙緣誠格誰向
清宵讀道書

次韻和徐曉泉司馬催科

甘棠新種已成科頌德臚歡美若何莫謂花
封疏北鑰共欣蔀屋協南訛君如郭伋循聲
遠我學陶潛野興多祇是馮唐增白髮看人
投筆復投戈

書感

天道茫茫有若無世途多險德偏孤誰眞識
得裴寬客能愛才惟穎士奴文字期成千載
業困窮空笑一生愚何時歸櫂江南去萬頃
煙波作釣徒

偶成

浩劫茫茫過十春逍遙幸脫宰官身老萊未
到江南去舊是蒙山一野人

乙丑歲朝試筆

古梅香在百花先一瞥駒光歲序遷兩鬢新

霜改明鏡五更細雨送殘年
羈遲塵市難僊
佛買醉湖山可聖賢
獨有桃符驅不去
詩魔
瞰醉入吟箋

春寒積雨雜感

萬種閒愁兩鬢皤
茫茫身世悔蹉跎
卻疑陋巷春風少
偏是危樓夜雨多
有酒易忘寒料峭
此身都爲墨消磨
巖谿豈必無麟鳳
可惜承平未網羅

濁世清流莫漫論
飄萍泛梗了無根
荒園風

急搖孤樹隔岸雲濃失遠村花未開殘閒白
晝日纔向夕易黃昏蕭齋卻與溪流近臥聽
衝波破曉喧

送張惕園明府歸邗上將復來鄂

去年喜晤今言別展轉相思不能絕片帆一
挂楚江秋明月照人白於雪月隨江流自東
去迢遙千里揚州路揚州有客孤棲鄂空守
白雲待黃鶴仰天一嘯湖波清十丈緇塵身
不著畫裏溪山非樂土樂土鶯花妒風雨可

惜秦淮罷歌舞六朝如夢空千古君歸飛渡
石頭城煙水蒼茫數聲鶯計君再到近重陽
飯顙山頭甕酒香甕酒香今籬鞠黃準備君
來話故鄉

周孝廉葬母得佳地賦詩屬和次韻報
之

天然奇秀偶然逢芍藥枝分第一峯過峽有
情清似鶴開山得氣壯猶龍通神吉夢誠能
格啟後雄才世所宗奚待地師講風水德門

餘慶晉家封

嵩嶽耆英聚一坏
文波福澤兩悠悠
人尋牛穴無心得
天爲熊丸特意留
阡表異時分馬鬣
禪臺高處樹龍頭
青烏媿我難精術
可許觀瞻益學不

憶家鄉湖上有作

故國煙花事已非
泛湖曾記醉忘歸
芙蓉香細含朝雨
楊柳絲柔繫落暉
繡陌晴看金勒過
清歌暮趁畫船飛
如何無賴揚州月
空逐

湘流下釣磯

春眺

百年滄海物難齊策杖閒游路未迷擊劒讀
書人已嬾提壺勸酒鳥空哢山光向晚浮青
靄花影連雲下碧溪回憶紅橋修禊處時值上巳
綠楊遮斷石欄西

江上風輕掠鬢絲壯心勃發幾人知空傳潛
志劉京叔那抵狂才杜牧之積雨初晴春易
暮落梅有怨月來遲搔頭笑向青天問衣狗

環更到幾時

雜感

世事從來一局棋
李憇貪睡更無思
敢言軒冕非良貴
雖有鎡基亦待時
撫我豈容頭責
帽相人誰是眼
如箕生平不解升
沈說欲向劉安問九師

偶成一律呈厲臯盦方伯

旁人但解怨芳時
我道尋芳尙未遲
有酒不愁明月夜
當春惜少買山資
啟期遠俗存三

樂任布清懷作五知豈爲蓬萊堪小住猶將
長慶問微之

漫興

一枰爭劫見才難局外閒觀興欲闌隱豹誰
知文蔚炳亡羊空抱路歧歎狗衣變態無非
幻金石盟心自不寒祇是馮唐悲老大昇平
無計答朝端

讀葉潤臣觀察遺集有懷

夢魂不到已三年

丙申在京聚首別後丁未公卒展讀遺編

倍惘然誰信關河詩作識高樓尊酒卽離筵

原集丙午至日同人小飲有明年此日莫關河句公卽於次年八月卒於浙

書陸三銘廩生死難傳後

烽火黏天蔽日紅存亡妄論誤初終

癸丑賊將至有

武士議戰郡守不與謝以城存與謾言保衛

存城亡與亡比至則守己先遁民誰衛

楊帥防剿城內設保衛局

到底英雄死亦雄千古

精魂歸夜月一腔熱血灑腥風可憐填石終

無補十萬貔貅未有功

官兵未能克復賊據九月自退

夏日城南卽事

高樹參天挂薜蘿濃陰蔽日午風和雲堆螺
髻山增媚水蹙魚鱗月有波隨意飛鳴棲鳥
熟無心開落野花多雨餘觸處皆吟料把酒
裁詩帶醉哦

月夜乘輪舟旋里自漢口開行

月色橫江萬里秋浪花飲雪湧中流耳邊聲

發機初動

汽機初發其聲轟然

眼底燈明市未收

時漢口夜

市未收

看徧湖山如過隙寄將天地有孤舟乘

雲一日還鄉去絕勝坡僊赤壁游

旋里偶作

宦游鄂渚感飄蓬江上鯨蛟跡已空
巴峽夢無神女過夜郎羈與謫仙同
活人猶得憑醫術歸國依然作寓公
世事如棋誰占勝劫猶未了局難終

重到揚州訪平山諸園故址

十載烽煙一劫終更誰鐵板唱髯公
隔江浮翠晴嵐迴野燒翻紅夕照空
回首當年渾似夢此身無恙已成翁
重游自是昇平界爭奈

樓臺盡不同

瓦梁

卽六合

燕還舊壘鳥歸枝

六合乃乙巳丙午舊游地

悔我蹉跎覺

已遲老去年華增白髮生來梗直似朱絲隱
憂豈爲遭逢蹇避世偏教市井知空倚吳鉤
對明月心情都付酒盈卮

十二月十二夜夢大兒

爾銘

詩以哭之

繞鄴依依隔世無分明入夢不模糊曇華一
現芬猶在梓樹重尋葉已枯渺渺漏天思補

石沈沈合浦望還珠英雄死難尋常事四月七日

霆營潰勇闖入咸甯與只恨回生術盡誣縣令羅君同時殉難

十九日立春

小坐晴窗透夕暉無端玉戲又霏微是日天晴向晚

忽春回澗底潛龍起前一日俗傳天挂龍風振雲頭野

鶴歸銀海波搖光欲眩玉樓人醉興如飛撫

時莫道炎涼改近事由來滿目非

訪友人故宅不得

故人門巷草萋萋不是煙迷是路迷只有方

不減山房詩草
塘一泓水日斜依舊映城西

瓦梁除夕會飲

爆竹聲中敞玳筵
燭明如晝酒如泉
香山守歲思田里
膠鬲懷才溷市廛
身外窮魔隨臘去
座中春意在花先
養生且喜仍清健
聽到鐘鳴又一年

丙寅元旦口占

回首尋芳跡已陳
重游欣值豔陽辰
天開晴日消殘雪
花倩東風釀好春
四面煙嵐千堞

繞萬家門榜一時新莫嗤鏡裏朱顏改道光乙巳

丙午曾游是地幾閱滄桑剩此身

春眺

鼓角無聲息戰塵龍池重見躍金鱗

六邑城南有龍

池內多大魚

草含宿雨連青陌水度東風到綠蘋

愚谷已歸江上客貪泉猶飲世間人

城西界連全椒

有貪泉

竭來明月橋頭望十里晴湖一片春

登六合城有懷車竹君司馬鄂州卻寄

登臨恰趁興方酣寒氣初消淑氣含風暖平

隄舒嫩柳日斜古寺擁晴嵐煙雲一任隨時
變詩酒何妨作意貪憶遠獨憐袁彥伯杏花
時節在江南

聞楚北有警

玉簫吹殘湘水月畫聲聲咽漢江流漁翁手
把絲綸去獨向清溪臥釣舟

偶成

欲淨聞根不自由笙簫宛轉雜歌喉落花風
亂春無主對月樓空燕亦愁白玉難污知有

骨黃河雖曲不回頭天涯知己從來少塵市
何人識馬周

聞楚皖捻訊感賦

不能成佛不能僊一溯平生一黯然經世無
才空咄咄爲人作嫁復年年珠光劍氣伊誰
識幕燕巢鳩只自憐午夜中庭翹首望參旗
斜挂月輪邊

乘機悔不滅么蟲豈是封侯運未通祇爲溺
民難手援空餘報國此心雄獲禽定早知良

御失馬何嘗禍塞翁擊碎唾壺傷往事倚天
劒氣吐長虹

西園

時事銷磨白髮新杞憂何意出迷津祇堪詩
酒容疏放自覺心情太率真人到家鄉還作
客地無花鳥不知春海濱那有千秋業明月
長風夢絕塵

車竹君以詩見寄次韻報之

千里懷人詩代柬楚江別緒似邗江潰隄作

浪終歸海樹幟開途不礙艤

詩西園有水患當事者用竹竿

懸旗插水中以辨河影行船得以無恙

喜近楸枰忘北局時中

尊酒臥南窗夜闌未就推敲句頻續殘膏剔
半釭

喜晤鮑問梅

卅載離悰絮話長多君飽德齒餘香高懷不

羨金鋪地

卅年前同館金陵公矯然不入時趨

哲嗣還看玉吐

光青眼看人羊爛胃白頭媿我鼠拖腸晨星
舊雨休惆悵萍聚依然在一方

題陳鐵君廣文吳陵鷁寄圖

天地一氣亦虛寄
況人渺然寄天地
寇氛來
粵下揚州事業羣
空妻子棄人多
隻身走天涯
君獨相攜有兄弟
小住吳陵五六年
神僊眷屬長團圓
漫以幽棲比鷁鳥
我因避亂之北燕
作宦遠遊夜郎國
歷盡坎坷難息肩
不事鄭谷去
賁緣羞澀阮囊無
一錢歸來門巷多
茫然吁嗟乎人不如鳥
知所止安宅常存
世有幾何不放眼乾坤
九萬里心定神安隨

處是百歲須臾皆若此

丙寅西園除夕

正逢餞臘已更新

是日立春

天地光陰孰主賓西

水揚波終入海東風作態自成春休休孫昉
心常足栩栩莊周夢亦真我已十年無世慮
祇從酒國寄吟身

清明

丁卯

海濱小住又清明市隱過於吏隱情徑僻花
難矜絕豔林昏鳥不度新聲尋春得意忘衰

朽謀醉何須問濁清策杖小橋憑檻立綠波
弄影夕陽晴

端陽醉後口占

屈子有懷曾楚北端陽易過又淮東閒居久
已忘時事小住依然是寓公萬里夢飛滄海
外百年心在酒杯中湛盧拂拭還增感孤負
清時未立功

積雨生寒盛夏如秋感賦

香羅細葛不須裁顛倒炎涼節序乖積雨聲

中羊亂舞舊巢痕在燕頻來浮沈澤國無佳
日調燮陰陽少相才人事無憑天道遠夏行
秋令費疑猜

將之金陵留別

民生國計早忘憂海上偏來范蠡舟蝦菜開
筵多舊雨狗衣幻境總浮漚丈夫踪跡無時
定羈旅光陰似水流昨夜東風吹浪急片帆
今日挂江州

珠湖

紅蕩香中舊泊船

癸丑過此

重來倍覺意留連祇

因誤作封侯夢孤負珠湖十五年

桃花浪接杏花紅都在波光掩映中此去龍門應不遠敲窗多是鯉魚風

次韻和吳蓮芬廉訪七十自壽

別來廿載已成翁猶是壺觴興不窮萬里壯游歸故國一生自愛撫清躬急流勇退非關拙雄辯高談可破聾如此脩齡如此健南華秋水豁然通

不因富貴便低眉劉瑀何嘗厭馬遲政簡趙
公琴與鶴情娛摩詰畫兼詩懸軍已本無加
損臨鏡人難肆詭隨怪底同塵殊落落由來
直道比朱絲

豈惟治蜀著聲稱解組論時氣拂膺記事珠
原同月皎歸湖舟不藉風乘萬言下筆霏如
玉一片存心冷似冰出處自輕維繫重閒居
不比退居僧

梅花有主是潛夫自在優游不負吾石室畧

存山意遠綺窗低映露華腴有齋名蟄塵仍
隱處世無虞智若愚高臥松雲棄軒冕漫將
蒼鬢效時趨

幸逢戈戟靖要荒閒看浮雲走月忙事每留
餘仁者壽節無拘小古之狂不隨俗眼由他
白難慰予心聽彼蒼自許交情同總角可堪
約畧寫衷腸

椿壽初傳七十春後彫始信歲寒身香山巾
宅堅辭宦陸要揮金喜救貧君願不爲仙作

原缺

境鷗鄉風月與心期紅羊劫退滄桑改欲補

湖山攬勝詩

余在有鄂維揚憶舊游圖詠

曾師漁父寫長竿

有長竿待釣圖小照

息慮忘機且自

寬木爲不材全質易桐因遭爨賞音難但謀
濁酒愁都洗豈入深山臥始安惆悵未逢赤
松子學仙何處覓金丹

先君素耽吟詠咸豐癸丑髮逆陷郡城舊藁散失能記憶者不足廿首餘皆癸丑以後所作而罷官後僑寓鄂垣心恬意適寄情觴詠得詩爲多先君立身自有本末初不欲以詩名橐藏篋笥距捐館後五十餘年矣鑒已衰髦不敢再事因循致先人著作湮沒不彰爰命孫承霖參校錄副以付手民讀斯集者可畧見先君生平出處不僅以詩人目之是所望於知人論世之君子矣辛酉季秋

小子鑒

謹識